

# আইফোনের গোপন কোডগুলো জেনে নিন

[banglatech24.com/1024896/আইফোন-গোপন-কোড/](http://banglatech24.com/1024896/আইফোন-গোপন-কোড/)



বেশিরভাগ আইফোন ব্যবহারকারী তাদের আইফোনে গোপন কোডসমূহ ব্যবহার করার নিয়ম জানেন না। অনেকেই তো এটাও জানেন না যে আইফোনের জন্য সিক্রেট কোড রয়েছে। আইফোন এর বেশিরভাগ ফিচার উইজেট, অ্যাপ ও কন্ট্রোল সেন্টারের মধ্যে সীমাবদ্ধ থাকলেও সিক্রেট কোড ব্যবহার করে আইফোন এর বিভিন্ন গোপন ফিচার অ্যাকসেস করা যায়।

প্রায় বিশ বছরের অধিক সময় ধরে ইউএসএসডি বা আনস্ট্রাকচারড সান্সিমেটারি সার্ভিস ডাটা ব্যবহার হয়ে আসছে মোবাইল ফোনগুলোতে। স্টার, হ্যাশ ও বিভিন্ন সংখ্যার সমন্বয় তৈরি এসব কোড ব্যবহার করে বিভিন্ন ধরনের গোপন ফিচারের দেখা পাওয়া যায়।

চলুন জেনে নেওয়া যাক আইফোন এর কিছু মজার গোপন কোড সম্পর্কে। এসব কোড ব্যবহার করতে আইফোন এর ফোন অ্যাপটিতে প্রবেশ করে প্রদর্শিত নির্দেশনা অনুসরণ করুন। আইফোন এর ফোন অ্যাপে কিপ্যাড ব্যবহার করে সংখ্যা ও চিহ্ন লেখা যায়। **আগেই জানিয়ে রাখছি, আপনার আইফোনের মডেল, আইওএস ভার্সন, এমনকি কোন দেশের জন্য এটি তৈরি করা সেসবের উপর কিছু কিছু কোডের কার্যকারিতা নির্ভর করতে পারে।**

## আইফোন এর আইএমইআই নাম্বার বের করার নিয়ম

প্রত্যেক ফোনের একটি ইউনিক পরিচয় থাকে যা International Mobile Equipment Identity বা সংক্ষেপে IMEI নাম্বার নামে পরিচিত। আইফোন হারিয়ে গেলে বা খুঁজে না পেলে আইএমইআই নাম্বার ব্যবহার করে (আইনশৃংখলা বাহিনীর সহায়তায়) ডিভাইস খুঁজে বের করা যায়।

আইফোন এর আইএমইআই নাম্বার খুঁজে বের করতে ডায়াল করুন **\*#06#**

উল্লিখিত কোড প্রেস করার পরই আপনার স্ক্রিনে উক্ত ফোনের আইএমইআই নাম্বার দেখতে পাবেন। এর জন্য ডায়াল বাটন চাপতে হবে না।

## আইফোনে কলার আইডি লুকানোর নিয়ম

আপনি যেকোনো নাম্বারে কল করলে যাকে কল করবেন তার স্ক্রিনে আপনার ফোন নাম্বার প্রদর্শিত হয়। তবে সামান্য একটি কোড ডায়াল করেই নিজের ব্যক্তিগত ফোন নাম্বার গোপন রাখতে পারেন।

আইফোন এর কলার আইডি গোপন করতেঃ

- যাকে কল করবেন তিনি যুক্তরাষ্ট্রের আইফোন ব্যবহারকারী হলে \*67 ও অন্যদের ক্ষেত্রে #31# ডায়াল করুন
- এরপর যে ব্যক্তিকে কল করবেন তার নাম্বারের কান্ট্রি কোডসহ ফোন নাম্বার লিখুন
- এরপর ডায়াল বাটন ট্যাপ করে উপভোগ করুন কলার আইডি লুকানো ফোন এর অভিজ্ঞতা
- বিশেষ দ্রষ্টব্য, এই ফিচারটি মোবাইল অপারেটরের উপরও নির্ভর করে

## আইফোনে ফিল্ড টেস্ট মোড চালু করার নিয়ম



আইফোন এর সেলুলার সিগনাল ও কানেকশন সম্পর্কে টেকনিক্যাল তথ্যসমূহ জানতে চাইলে ফোনেই লুকানো ফিল্ড টেস্ট মোড ব্যবহার করতে পারেন। মূলত টেকনিশিয়ান ও ইঞ্জিনিয়ারদের জন্য এই ফিচারটি ডিজাইন করা হয়েছে, যা দ্বারা আপনার ফোনের নেটওয়ার্ক চেক করা যাবে।

তবে আইওএস ১৫ তে এসে এই ফিল্ড টেস্ট মোড এর সেরা একটি ফিচার বাতিল করা হয়েছে। এই ফিচারটি দ্বারা পূর্বে ফোনের সিগনাল কতটা শক্তিশালী তা সংখ্যায় দেখা যেতো। আইওএস ১৫ আপডেট আসার পর ফিল্ড টেস্ট মোডের এই ফিচারটি আর কাজ করেনা।

তবে আপনার লোকাল নেটওয়ার্ক ও সেল টাওয়ার সম্পর্কে যদি আগ্রহ থাকে, তাহলে ফিল্ড টেস্ট মোড ব্যবহার করে বিভিন্ন মজার তথ্য জানতে পারেন। ফিল্ড টেস্ট মোড চালু করতেঃ

- প্রথমে ওয়াই-ফাই বন্ধ করুন
- এরপর ফোন অ্যাপে প্রবেশ করে ডায়াল করুন \*3001#12345# নাম্বারে
- এরপর ফিল্ড টেস্ট স্ক্রিন দেখতে পাবেন যেখানে Dashboard ও All Metrics নামের দুইটি ট্যাব থাকবে
- আইওএস ১৩ বা ১৪ ব্যবহারকারী হলে All Metrics এ ট্যাপ করুন ও নিচের দিকে স্ক্রল করে Serving Cell Meas এ ট্যাপ করুন
- rsrp0 ও rsrp1 খুঁজে বের করুন, যা আপনার নিকটস্থ দুইটি টাওয়ারকে নির্দেশ করবে

সেলুলার সিগনাল কতটা শক্তিশালী তা ডেসিবল-মিলিওয়াট এ দেখতে পাবেন। -৪০ এর আশেপাশে যদি সংখ্যা দেখতে পান, তবে বুঝবেন আপনার নেটওয়ার্ক এর সিগনাল স্ট্রং আছে। আবার এই সংখ্যা -১০০ এর নিচে জলে বুঝতে হবে ফোনের নেটওয়ার্ক এর সিগনাল বেশ দুর্বল।

## আইফোনে ইনকামিং কল ডাইভার্ট করার নিয়ম

আপনি কলে থাকা অবস্থায় আপনার আইফোনে আসা অন্যান্য কলসমূহ অন্য নাম্বারে ডাইভার্ট করতে পারবেন। এই নাম্বার হতে পারে যেকোনো ধরনের ল্যান্ডলাইন বা অন্যকোনো মোবাইল ফোন। এছাড়াও আপনার ফোনে কল না গেলে বা রিপ্লাই না হলে অন্য নাম্বারে কল ডাইভার্ট হওয়ার সেটিং করার সুযোগ থাকছে।

আইফোনে ইনকামিং কল ডাইভার্ট করতেঃ

- প্রথমে আপনি কি করতে চান তা ঠিক করুন
  - কল রিসিভ করতে না পারলে কল ফরওয়ার্ড করতে ডায়াল \*61#
  - ফোনে কল না গেলে কল ফরওয়ার্ড করতে ডায়াল \*62#
  - ফোন বিজি থাকলে কল ডাইভার্ট করতে ডায়াল \*67#
- এরপর যে নাম্বারটিতে কল ফরওয়ার্ড করতে চান সেটি লিখে হ্যাশ (#) চাপুন ও ডায়াল করুন

একইভাবে কল ফরওয়ার্ডিং বন্ধ করা যাবে #61#, #62# or #67# (যে কোড ব্যবহার করে কল ফরওয়ার্ডিং চালু করেছেন সে অনুযায়ী কোড ডায়াল করে)। \*#61#, \*#62# ও \*#67# ডায়াল করে ফোনের বর্তমান কল ফরওয়ার্ডিং স্ট্যাটাস জানতে পারবেন।

## আইফোনে কল ওয়েটিং চালু করার নিয়ম

আপনি একটি কলে থাকা অবস্থায় অন্য কেউ করলে যাতে জানতে পারেন, তার জন্য কল ওয়েটিং ফিচারটি চালু রাখতে পারেন। এছাড়াও কল ওয়েটিং চালু করে কলে থাকা অবস্থায় আসা নতুন কল রিসিভ করার অপশন পাওয়া যাবে

আইফোনে কল ওয়েটিং চালু করতেঃ

- \*43# নাম্বারে ডায়াল করুন
- এরপর কনফার্মেশন স্ক্রিন দেখতে পেলে Dimiss এ ট্যাপ করুন
- কল ওয়েটিং বন্ধ করতে পারবেন #43# ডায়াল করে

## আইফোনে আউটগোয়িং কল বন্ধ করার নিয়ম

কারো হাতে আপনার ফোন দেওয়ার আগে তারা যাতে আপনার অজান্তে আপনার ফোন থেকে কাউকে কল করতে না পারে, তা নিশ্চিত করতে আউটগোয়িং কল বন্ধ রাখতে পারেন। এই ফিচার চালু থাকা অবস্থায় আইফোন থেকে কোনো নাম্বারে কল দেওয়া যাবে না।

আইফোনে আউটগোয়িং কল বন্ধ করতেঃ

- \*33\* টাইপ করুন
- এরপর একটি পিন প্রদান করে # চাপুন, এই পিনটি দ্বারা আউটগোয়িং কল আনলক করা যাবে যা শুধু আপনি জানবেন
- ডায়াল বাটনে ট্যাপ করুন ও কনফার্মেশন মেসেজ পাওয়ার পর Dismiss চাপুন
- কল বারিং অর্থাৎ আউটগোয়িং কল বন্ধের ফিচারটি বন্ধ করতে #33\*আপনার কোড# লিখে ডায়াল করুন।

উল্লেখিত আইফোন এর সিক্রেট কোড বা গোপন কোডসমূহ সবসময় ব্যবহার করার মত নয়। তবে বিভিন্ন প্রয়োজনে এসব কোড বেশ কাজে আসতে পারে। তাই আইফোন এর গোপন কোডসমূহ জেনে রাখা ভালো।